

東瀛紀事

厦門林卓人著

東坡先生集

江蘇五山書院圖書館藏書

本宅藏板
翻刻必究

光緒庚辰辛月

小巢居閣刊行

自序

余自壬戌七月應淡水族人之招買舟東渡擬便道南下訪友時彰化賊氛正熾路梗不通適家雪村方伯奉檄辦團相晤於艋津旅次一見如故遂邀余寓其竹塹里第之潛園別業未幾平賊凱旋屬余爲典筆札暇輒相從論詩荏苒者四載於茲矣中間薄遊郡垣往復者再所過之城郭川原昔日被兵之處舊壘遺墟蕭條在目慨然者久之輒與其賢士大夫田間野老縱談當日兵燹流離之故因卽見聞所可及者隨筆劄記近又傳

採旁搜實事求是得戴逆所以倡亂者原委犁然矣於
是仿趙雲松先生武功紀盛及楊氏三藩紀事魏氏聖
武記之例分類編次附以論斷成上下二卷題曰東瀛
紀事亦欲誅亂賊於旣死存義烈於不刊俾他日徵文
考獻者有所參考也余不敏竊附草創討論之義海內
博雅君子幸惠教之則不啻百朋之錫矣歲次庚午嘉
平鷺江林豪

吳序

余友林卓人孝廉鷺門績學士也嘗薄遊臺陽值戴逆甫平因綜其見聞成東瀛紀事二卷而屬予爲序余三復卒業見其兼綜條貫體裁雖本之谷氏應泰而是非褒貶實不繆於紫陽大旨斯誠有關風教之書也林君之言曰凡載記之文宜實事求是無偏無飾是以野叟之傳聞質於當軸之封事老兵之偶語確於大師之文移某嘗徃復郡垣輒與田夫老卒縱談兵燹亂離之故隨手劄記得數百楮比歸發篋編次以成此書蓋易稿

者屢矣林君用心之勤如此宜其體大思精有條不紊
足以信今而傳後無疑也獨念余自少饑驅海上代人
作嫁風塵碌碌筆硯久荒而君不以余爲門外俗生而
以文字雅相知愛知其蘊蓄者深矣區區海外一書云
乎哉

同治五年歲次丙寅中秋夕石門愚弟吳希潛拜手謹
撰於竹城官廨之可談風月書齋

東瀛紀事

鷺門 林豪 卓人

卷上目錄

戴逆倡亂

賊黨陷彰化縣

郡治籌防始末

鹿港防剿始末

北路防剿始末

大甲城守

嘉義城守

斗六門之陷

南路防剿始末

東瀛紀事卷上

戴逆倡亂

臺灣雄峙東海橫亘千餘里。土田膏腴。家多殷實。顧民氣易動難靜。康熙間。鳳山朱一貴倡亂。旋就誅滅。至乾隆初。漳州有嚴煙者。偷渡臺灣。傳佈五祖邪教。私挾教約一冊。備載入會過香等事。於是彰化林爽文。南路莊大田。北路林小文等。轉相糾約。因之作亂。厥後亂者凡三十餘次。或隨時戡定。或調大軍蕩平。若咸豐三年內。

東海澄黃得美之亂亦奉五祖邪說稱雙刀會

亦名小刀其會

起自外洋蔓延於沿海之漳碼同厦故又稱天地會厦門既平黃位乘船攔出至淡水雞籠頭滋擾旋往安南

狗狒

追同治元年復有彰化戴逆之變

戴逆名潮春字萬生彰化四張犁人原籍龍溪縣祖神保生子四人長松江松江有子七人潮春其季也潮春家素裕世爲北路協稿識其兄萬桂以田租爲阿罩霧人所佔與張水渾號五股水者招集殷戶爲八卦會立約有事相援潮春恐生變波累未嘗預之咸豐十一年

冬知縣高廷鏡下鄉辨事潮春執庄棍以獻而北路協

副將夏汝賢

四川人
武進士

猜其貳於已也。索賄不從。革退伍

籍。時萬桂已死。潮春旣家居。乃招集舊黨。爲天地會。請

邑令給戳。假名團練。自脩鄉勇。三百名。隨官捕盜。官倚

重焉。自潮春擴充斯會。豪右斂手。行旅便之。愚民安之。

無不樂從。有佈賂巨金。始得竄名會中者。其渠稱香主。

入會者。謂之過香。每名納銀半元。過香之法。環竹爲城。

城分四門。守門神將。稱韓平韓福。鄭田李國昌。城中設

香案三層。謂之花亭。上奉五祖。亦曰洪英。北門外立一

香案。書戴潮春長生祿位。冠以奉天承運天命大元帥。

等僞號。旁別設一几。所奉從前逆首朱一貴、林爽、文輩。皆妄稱先賢。過香之時。擇其已入會者十餘人。皆披髮跣足。首裹紅巾。謂之舊香。在場執事。其將入者。謂之新香。十數人爲一行。叩門而入。問何來。則曰從東方來。問何爲。又曰將尋兄弟。紅巾者導跪案前。教以冊內禁約。斬雞爲盟。執香默禱。有天地香父母香兄弟香名目。復宣示十戒。旣畢。然後出城。牽白巾爲長橋。由橋下穿出。紅巾者問何不過橋。則應曰橋頭橋尾俱有大兵把守。不得出。問今何能出。又應曰五祖化小路一條。導我逃。

生云云。復禮跪城外香案。於是授以八卦及隱語甚多。

每條有七絕一章語甚鄙俚

皆悖逆之言。其黨鄭玉麟即鄭狗母黃丕建

戴彩龍葉虎鞭輩同謀舉事。轉相招納。南北兩路不逞之徒。多聚黨以應之。凡香主領簿繳簿。皆納銀四元。其黨之上簿者。已多至十餘萬。迨同治元年春。高廷鏡免雷以鎮接任。仍倚潮春辦事。時會黨橫甚。白晝搶殺。不特縣令無如何。即潮春亦暫不能制矣。

論曰。嗚呼。自古潢池弄兵草間求活之徒。其忍而爲此者。厥有由矣。臺陽土性鬆脆。民俗浮囂。兼之無籍

游民趨之如鶩。無妻子之戀。無田宅之安。聚則成羣。動輒滋事。而彰泉粵三籍各分氣類。仇怨相尋。釀成巨案。其始陷於無知。誘於不覺。或冀攀鱗附翼。以立殊功。或思剽刃。尋仇以快宿忿。其黠者乘機以罔利。其妄者喜事而輕生。至於大勢已去。亡命何之。猶爲鋌險之謀。以緩須臾之死。嗚呼。豈蚩蚩者之樂死哉。且夫入寶山者。誰肯空回。過屠門者。咸思大嚼。是以碩鼠旣肆其貪婪。奸蠹必因而爲利。乃至豪猾武斷。以噬民之膚。搢紳無文。以絕民之命。至於民膏旣竭。

民怨方深。一旦乘勢揭竿。聞風響應。始囂然曰。吾今而後得反之也。而時事可知矣。嗟夫。嗟夫。使汝賢不爲中飽之圖。則潮春終爲下走之吏。何至生心不軌。背地爲逆。競授兄弟之香。甘爲朱貴一林爽之續。使民生蹂躪。文武陷沒。至於三年之久也。獨是化干戈。莫如俎豆。草鷄獍。端在騶虞。移風易俗。匪異人任。是故文翁治蜀。教以詩書。常衮使閩。先興學校。其時之遵道遵路。而無反無側者。豈有異民哉。吾論戴逆倡亂。推原禍始。而傷其致此之故也。愈穆然思陳曹諸公。

東瀛錄
一不置矣

前臺灣縣知縣升臺廈道陳瓊前
淡水同知曹士桂皆以良吏稱